

麻城縣志卷之二十九

列女第四

貞孝

明

熊烈女諸生幼學女也許聘劉康康邁疾且篤女齧左股
 肉遺之為幼弟誤棄復封寸許父母遺啖康稍瘥閱月死
 女聞訃慟撲絕粒父母力救乃曰不令我哭弔於劉終不
 生於是借之往觸棺毀裂是夜自縊姑救解泣諭之曰吾
 子未與偕何必死女曰兒食以股即事以身矣不死何歸
 麻城縣志 卷二十九 列女傳 一
 舉家防益密遂呼父母與姑曰請許我伴姑孀終餘年姑
 喜諾女伴起櫛沐拜康靈入室閉戶撞撲破門視之則觸
 柱壁死矣御史舒鰲給銀與康合窆事聞旌表

梅國楨輓熊烈女詩楨也神遊廣漠野眼中有淚不
 易洒誰家有女節獨苦驚看不覺淚如雨百年恩愛
 在結盟為重恩愛輕一生夫壻不可活我身可許股
 可割割股事夫即以身肯令夫死別從人以口齧土
 土欲擢天地為我收塵埃以頭觸棺棺欲裂棺上殷
 殷頭上血血汚麻繩還自縊其如親戚紛相衛便生
 只是灰中燼可憐對面不相信曉來含淚若為妝起
 向阿姑與翁孀我今從爾勿復憂但令獨處守即休
 回身闔戶聲吼吼天地反覆山川走又如雷電礮研
 風雨駛破門已作觸柱死自古豈無臣之忠高牙大
 纛金門通又豈無婦之節合懽雙帶同心結豈如女
 未入夫門生死尋常由一言首陽之薇空復青汨羅



千載流濁涇倏忽綱常標閩闕頡令山水生顏色男
兒拚此七尺軀龍逢比干俱丈夫仰天血淚隨肝膽
一滴能教
滄海枯

鄒女行弟年十六未字父母早喪依兄居牛棚山崇禎辛
巳監軍孔貞會領兵至麻城有兩兵至女兄家窺其美鞭
兄欲挾之女匿後園踰牆出兵知之追至畝中女宛轉百
計莫脫給曰無苦相持吾隨汝歸又給之曰吾已至家將
何往乎當許吾櫛沐換去泥衣許之女入厨卽拔刀自刎
死女叔生員鄒思試居城聞之走報孔道給銀備衣冠封
殮二兵置法通縣公舉請旌以寇亂未行女父名思識卽

麻城縣志

卷二十九

列女傳
貞孝

二

都憲六世孫

曹生某石霞先生次子也幼聘彭氏及笄曹生病歸侍湯
藥未幾曹生病歿遂矢志終身奉侍兩姑撫伯氏子以承

祀

邑人周禮題節孝彭淑君詩并序彭淑君未嫁夫死守
節姑家今垂三十載前者蘇郡伯府志欲書其事於節
烈中以年未踰六十而止茲作此詩於未句及之以待
采風者并傳焉慷慨捐身易從容抱節難千山冰壑冷
萬古月光寒志得情何憾心平境自安吾鄉曹氏婺元
季兩方看

國朝 已旌貞女

儒童嚴大械聘室劉姑慕樓女甫十歲母歿遂適嚴爲養
媳越四年大械卒姑命劉歸劉不允願奉姑老越二年姑
又歿祖姑又勸之劉指天以誓曰若不代姑奉祖翁姑終
者不可爲人茹荼集蓼志益堅貞道光三年卒七十一歲
貞女陳大姑監生戒德女生於康熙五十年許聘董時肅
之子諳病故陳年十九以死殉不遂旋適董奉姑姑病痿
凡卧起一力扶持飲食湯藥親調奉進夜則伴卧榻前衣
不解帶姑卒營辦喪葬備極艱辛初撫立一子長娶鄒女

麻城縣志

卷二十九 列女 貞孝

三

子故陳憐鄒年弱欲令自便鄒感姑高節亦矢志靡他乾
隆三十九年 旌

鄒貞女舉人汝治女幼許字蘄水進士徐廣淵子如樸未
婚如樸死鄒年二十聞訃號泣力請於父母往弔之遂茹
素奉姑立從子爲嗣復故鄒與媳陳氏依姪守貞以終乾
隆元年 旌

李貞女生員中黃女許聘監生張坦未嫁坦卒女聞訃痛
哭不已求往張親殮畢乘間自縊以救甦乃依姑以處足
不踰閭守貞四十餘年乾隆三年建坊

府志

貞女成姑生員成蒲女幼許聘熊楚興未結褵而楚興歿成矢死靡他孝事翁姑力營葬祭苦無嗣可立日以爲憂年六十一卒乾隆四十七年建坊於北門外永豐橋東園並祀節烈祠

汪貞女許聘儒童劉應瑤及笄而劉歿女矢志望門守節歷十有八年因姑老無依過門奉養年七十五歲卒道光四年建坊於羅家舖

劉貞女幼許聘彭象未婚象遠貿流落未歸劉守貞母家不肯再聘依姪劉景中年八十歲終

麻城縣志

卷二十九

列女
貞孝

四

儒童汪庭基聘室陳姑昌言女未笄夫亡聞訃奔弔見姑哭子喪明遂相依奉養歷二十四年姑歿葬畢避居蓮花洞十數載改居室爲祠堂捐田以奉祭祀知縣丁菊潭錫以貞孝苦節四字至今龕側有邑庠顧庭楹撰碑康熙十年卒

李貞女李廷煌之女許聘徐文偉未嫁而文偉歿李年二十三歲乃奔喪爲徐撫嗣教之成立年六十歲守貞四十四年卒

貞女徐姑生於康熙壬戌年幼許聘吳有章有章遠貿未

婚待三十餘年遂往夫家堅貞自守至乾隆十八年終七十二歲

丁貞女生員謹度孫女幼許聘胡維壘年十七聞夫喪匍匐歸夫家年餘翁姑俱逝丁飲藥茹荼撫三齡夫弟天定成家計守貞四十三年卒

江貞女善化教諭漢書孫女江華之女也幼許字徐姓年十八徐卒女聞之請於父母喪服從唁誼靈席稽首至地氣絕踰時始甦誓以身殉人嚴守之其舅姑家以居住狹隘令反母家女不得已蓬首垢面屏居一室不出戶庭年

麻城縣志

卷二十九

列女
貞孝

五

三十六無疾而卒

貞女梅四姑儒士商葵第四女也年三歲許聘朱慶升之子德鏞閱十三年鏞卒梅聞之將欲投繯家人勸止又六年有議婚者梅請於母曰事急矣請歸兒於朱以絕外議否則兒不生父乃拒媒者既而其舅至女懇其父延入後堂拜見啼泣求歸朱氏舅未允乃絕粒三日不得死父慰之曰女志固美矣更待十年而後可梅恚曰十年父母老舅姑衰女何託焉乘其母赴同里慶會卽投繯殞命其舅迎柩與德鏞合窆以長子次男緒元爲之嗣

陶貞女庠士取然女名砥姑自幼與戴姓議婚戴子夭矢志守貞識字知禮事父母孝順兄弟和睦年八十一歲卒陶貞女陶二有之女原與胡姓議婚胡子貿易西蜀不歸女矢志守貞與兄弟同奉父母年七十六歲卒

陳貞女儒童廷棟次女幼許熊楚望方擬于歸楚望卒陳焚奩將自縊父母覺而勸止遂斷髮毀形終身不嫁年五十七而終

鮑姑廩生霖之女幼許聘姚大璋璋未弱冠卒鮑年十八矢志自守數十年甘心貧苦五十八歲卒

麻城縣志

卷二十九

列女
貞孝

六

趙貞女幼受鮑有隆聘年十九有隆卒女聞訃閉戶自縊兄破扉入救得甦趙徐從母往吊悲號昏絕漸醒母勸之歸趙女曰此卽女宅也尙安歸撫姪爲嗣衣食不給荼苦是廿年六十七歲卒

王貞女幼許聘蔡應昌將近婚期應昌遠出日久存歿不知翁姑勸其他適王泣云其人或有歸期生則候以終身死則從於地下我心如石誓不轉移勤儉紡績處子終身年六十四歲卒

曾貞女許聘尉承理年十八理遠出十餘年翁姑勸另適

曾以死誓待字三十年夫卒未歸毅然適尉奉姑以終衣食維艱清操益勵足不出戶者六十年卒

謝貞女均道女幼許字白姓未適夫故謝貞節自守年八十三卒知縣賀賜千古奇貞額立於祠

周貞女周富寧之女許聘饒興珍年十九未嫁聞興珍訃誓以死從父母苦勸方止遂終身不字家極貧依兄嫂度日女獨守一室履不出戶績紵自給有道及饒者卽爲出涕守貞八十年卒

金貞女許聘梅門未歸夫故貧窘難堪誓以死守及父母

麻城縣志

卷二十九

列女
貞孝

七

繼亡遺弟僅週歲有欲奪其志者百折不回撫孤弟成立年七十卒

管貞女宗秀次女幼許阮紹祖未婚紹祖故女年十六矢志自守父母憐其少已許別家女深沉有識計託族姊李母潛踪入阮拜於靈前號號痛哭遂執婦道奉姑至孝姑龔泣血三年幾死者再撫夫兄次子爲嗣年八十歲卒

曹貞女斐徵仲女也幼許金勳哉之四子方笄而金氏子故曹號痛欲絕絕粒數日乘家人防範稍疏持刀自刎咽斷過半父母救治踰晝夜復甦嗚咽流涕曰女子從一而

終者也卽不許女身過金門願後勿議婚從此與母相依
母病篤女泣曰與其無母不如我死可以益母壽乃禱于
神割股以進母病得瘥後股瘡不合終忍痛強顏恐傷母
氏心也縣人作詩以贈旋卒

徐貞女監生免菴女許聘鄭志成之子維泮方議擇吉于
歸泮以疾卒徐年十八聞訃卽凶服過門守志代事公姑
未半載亦以憂慮染疾賫志以歿臨死惟囑同穴以信其
誓云

鄒貞女內閣學士士璉孫女廕生汝霖女幼許黃安縣太

麻城縣志

卷二十九

列女
貞孝

八

史張希良孫炳驤驤幼喪父母以讀書成勞卒鄒聞訃求
死不得卽欲往祖姑劉促止之迨祖姑八旬鄒白父請親
送張門躬自拜祝祝罷復請於祖姑誼翁姑與夫葬所成
禮祭奠痛哭失聲越數月祖姑憐女善病令仍歸侍親闈
不數年遂以憂鬱卒

新安盧國楠輓鄒貞姑詩泰媪崩崩劣河水澈烏弋黃
皮兆融結龍堆鰲柱週洪濛奇氣千秋乃一泄員嶠
女貞樹槎枒與雲接連貝寶葵躔喬耀天闕人生秉
得天地精睥睨嶽瀆皆蠓蟻我祖柏臺公講學會羣
哲蘭譜姻婭情最親亭州三鳳西陵傑三鳳季氏更
嶙峋待 詔金門登顯列留得 天恩庇後人恩廕
京員承先澤卓哉張太史視學振東浙清班交有神
敦好陳朱結公子學博快乘龍館甥容臺賓主迭學

博卽今第五倫比兒羈貫庭幃別恩廕篤生貞孝姑
媿美班謝聰穎絕學博慕前徽鳳卜遵著操小阮雅
出羣更挽絲蘿纈猶女依姑姪媳行姻姪重聯情倍
切小阮種學積成勞耨義耕仁夜不輟乘閒自搗李
陵碑帶醉笑補周王碣無何剛逢水泮時別鶴孤鸞
怨啼鳩玉樓作賦正冲齡柏舟矢志未踰闌綱常誼
重一身肩荆釵裙布髮封帛歲寒松柏後凋知志率
正中非激烈仁親敦本性天成齒冰嚼檠苦鍊鐵可
憐往哭卽於歸豈料修儀著麻經倩人歸里報重幃
誓執夫喪依墓嶠見者咨嗟都淚垂桃葉樵青盡鳴
咽若敖抱痛心如焚伯道興嗟腑更裂獨活立姑就
所難寒號蟲遇嚴冬雪瑤池原無益壽方玉女何知
長生訣存既順兮歿亦安生不同儔死同穴異香國
去異香來緱嶺華井瑤池冽旌榮指顧錫龍章續
祀於今蘭已茁青史彤管紀芳名貞順高風求加蔑
正氣鍾靈鼎食家弱笄能將大義揭嗟余至誼黍葭
葦管窺襪線慚陋劣敢攜彩筆表清微願向軒軒貢
芻說劉振鐸輓鄒貞姑詩抱志甘埋玉聲馳到處

麻城縣志

卷二十九

列女

九

傳蜉蝣虛歲月姓字震環鈿勁草風何疾孤貞鍊似
堅高堂無限痛理摻入冰絃

羅貞女王博文博聘妻未婚博文卒時年僅十六聞訃奔喪
撫棺痛絕復甦遂留守志事上孝律身嚴立姪爲嗣乾隆

戊戌卒守貞二十七年

王貞女王崇煌聘妻婚禮未成崇煌卒王年二十奔喪入
門哭殮後撫姪爲嗣乾隆己丑卒守貞二十八年

唐貞姑監生從仁女幼許聘葉懋懋遊西蜀不歸從仁著
人往尋不獲越二十餘年有另聘意女聞之泣懇膝前并

求兄弟代懇矢志靡他因取名誠心守貞不字年七十四

歲卒

貞女陳姑幼聘董適董有家難董郎浪遊西蜀後董子自蜀訃聞貞女一慟幾絕遂誓守不字願從父家老未幾父沒母年亦衰有弟六人皆少不更事貞女以熒熒一身上事高堂下撫諸弟區處經畫有男子所不逮者乾隆五十二年卒八十四歲

蔡貞女蔡禮之女許聘陳中遭母喪陳欲迎娶女父未允陳卽惡言傷女父辱及女女以母喪不忍適陳故屈星期遂決志不往陳因另娶女乃自誓終身不字未久父卒

麻城縣志

卷二十九

列女 貞孝

十

止有一弟貧無立錐女以紡績弟以耕種相倚爲命守貞四十八年

鄒貞女內閣學士璉次女許聘生員周馮未嫁馮卒過門守貞

劉貞女少字魯姓年及笄魯求婚其父母多所堅執魯恚而從戎後有傳魯已別娶者父母謀將女改聘於陶氏女削髮以遺魯遂投庵爲尼

邑人周維桓貞女祝髮敘劉勝君之女少時曾字魯姓者年方及笄魯求婚於劉其父母多所堅執魯未諧所願遂恚恨從戎越數載傳聞魯已別娶劉女雖臺懸玉鏡心切刀環然生而無仲子之手文亦安能必其爲魯

夫人也歲丁未女年二十有五父母謀欲改聘於陶媒氏將委禽焉女涕泣相向志操彌堅其父母欲強奪之女曰亡人悲憾之謂何吾獨何心安忍負之我二十五矣又如如是而嫁則就木焉吾舍魯其奚適矣豈無膏沐誰適為容縱不能完髮以歸魯亦安能復為陶氏櫛髮哉語訖掩淚吞聲匿身暗所家人無知者頃之其家惶遽搜索以出瞥見之則童然者頭也諦視之則截然者盤髻在手也女乃泣拜父母指髮而誓之曰幸以此謝媒氏吾將托身尼庵以終老耳若魯子歸而問予則請以此髮還之媒氏聞言因大駭散去嗚呼天地閒之完節正性夫孰有如劉女者哉古之傳烈女者或匪石而賦栢舟或孤飛而繫燕縷或井水明志誓無再起之波或冰雪為肝留待良人之剖要皆權已借乎伉儷情方篤於綢繆從一而終固其宜耳故婦而節者古有之未有女而待年以為節者也婦而不再嫁者古有之未有女而終身不一嫁者也劉女未嘗一覲夫面一承夫恩劉女之髮未嘗為夫一靚沐也劉女胡為而身為魯存髮為魯刈有如是耶嗚呼天地閒之完節正性夫孰

麻城縣志

卷二十九

列女

十一

有如劉女者哉予聞其言而愾慕之不禁喟然興嘆曰有女若此是朝廷之所式閭而求者也是青史之所載筆而書者也愧余力薄不能為劉女揚扞而彰光之然而劉女祝髮矢志之年正值郡太守某公郡丞某公邑令君某公諸賢尹蒞任下車之日新政攸關風厲伊始某將白其事以為褒節勸俗之一助劉女雖賢將得賢守令而名益顯矣

唐梁聘室石女生於嘉慶甲子至丁丑梁故女年十四歲

聞訃悲號即孝服過門往拜翁姑翁姑力辭不允知不可

奪遂從其請三十餘年不出戶庭晚年撐持家務人口浩

繁自與家人粗食另以熟米袋盛煮供翁姑撫夫弟國賓

以承夫祀撫憲胡獎給貞孝兼全額同治甲子卒時年六

十一歲守貞四十七年

夏貞女之熺女乾隆甲寅生幼許字儒士張定祥祥故矢志歸夫家翁姑憐女年弱力勸改字不得已遂長依母家守貞靡懈事父母曲盡孝道咸豐十年胡宮保獎給操貞金石額同治甲子卒七十一歲守貞數十年

蔡啟煥聘室李姑廷槐女乾隆乙未生癸丑夫歿姑聞訃隨母往唁遂在夫家守志非事翁姑不出閨門嘉慶丙寅卒年三十二歲守貞十四年胡宮保獎給貞孝女宗額

喻顯樓聘室歐陽注女乾隆庚子生嘉慶戊午年十九未

麻城縣志

卷二十九

列女
貞孝

三

嫁聞樓死誓以身殉父母力救得不死遂至樓家力守道光壬辰卒守貞三十四年前學使王獎給節孝流芳額江

夏王菊門有歐陽貞媛傳

江夏王德新歐陽貞媛傳天地之經著於禮禮之節衷於聖人而人心有所不能已者節之而不欲節則聖人亦弗能為禁也今以喪服言之嫂叔無服禮也而子思乃為位哭喪師若喪父而無服禮也而子貢廬墓又三年至若父在為母期婦為舅姑期庶子為父後者為母總古禮義至精歷代相循不變而開元皆易為斬衰三年至今從之無有疑為過者豈非人所不能已之心聖人固不能使其不自遂哉若夫婦之禮壹與之齊終身不改此惟既齊則然如生未辟合即未成為歸故戴禮取女在途聞喪而反有不得嗣為兄弟之辭而周官媒氏有禁嫁殤之令則女在室而奔喪守志古無是禮又非節其難已者比是以歷朝旌例不載雖有高論君

子未聞執失節事大之說曲繩之也然而賢媛之心則固有所不能自己者矣夫豈不曰女子許嫁而纓固已明有係屬既係之而旋絕之既屬之而又背之所謂仁不盛衰改節義不初終易操安在有行與未行殊也故悲而誓殉不得殉而為服喪為養親繼嗣皆其心所徑直以出且委折以赴者如是何有於古禮為又何有於國褒為何有於士君子之議論為若此類前世皆湮滅不彰余甚悲之近代頗有傳者而吾於歐陽貞媛有特取焉貞媛麻城儒家女父諱注幼許字喻氏子樓未歸婿天媛年十九聞耗即飲泣柴立走沉門前渠母兄救之復乘閒投繯又救之母號譬百端媛乃跽乞聽往持喪侍姑則靦顏不死越數日母察其轉念許之詣喻縞素榛筭戚哀動左右自是晨夕敬事姑操井曰調滌澆姑倚之不能俄頃離三年喪畢家貧甚兄公憫之遣妯微探意媛輒悲志不食會有以其事白邑侯李公者侯大嘆異親臨撫綏為剖其產僅得薄田四畝因諭戶長守齋選胞姪能典為嗣閱今二十五年言不輕發簪珥悉捐日操紡車佐齋粥惟朔望至中堂誦大士經而已

麻城縣志

卷二十九

列女

三

其識量過人而精覈人不敢售以欺亦無忍欺之者嗚呼貞媛果何所為而自苦如是將以徇名耶將以所為難愧天下之為婦而懷二志者耶夫道本大通伯夷獨非聖人而自是韓子頌之以為亘古今不願無他求其心之安耳禮則無是而窮閭弱女子獨自以為古之道不即乎人心而非是則不可其亦伯夷之志乎吾故曰人心之所不已者聖人有所不能禁也悲夫貞媛親堂兄歐陽文學棟書其事授新請為立家傳新不揣固陋謹論次而歸之方今聖天子修禮崇教損益百王禮官將必有原其心而議及此者貞媛寧遂泯泯矣乎

朱瑤聘室李姑歲貢李世臣次女瑤卒女聞訃欲自盡家人隄防甚密遂至夫家撫夫姪為嗣數年復天又撫夫堂姪因訟不果族人復為之立後守貞四十餘年卒乾隆癸

亥年奏 旌

董姑存世女聶天澤聘室乾隆辛卯生女年十五聞夫故
遂往夫家守志撫夫弟子思宗爲嗣王學使給守貞全孝
額周畹蘭有董貞女傳

儒童喻通鎬聘室周姑廷獻女夫婿病卒女聞訃欲奔喪
爲家人所阻遂絕粒數日以身殉喻姓嘉其行迎柩與鎬
合葬舉人喻光祿爲之傳嘉慶十三年學使吳獎給志行
雙美額立於喻氏家廟

彭中孚女載弟幼字朱家珣將于歸病故女矢志守貞不

麻城縣志

卷二十九

列女
貞孝

古

欲再聘恐父母奪志登樓自縊學使王獎給貞烈可欽額

此上已旌貞
婦貞女

儒童謝嘉言毛氏夫故欲以死殉姑力挽始忍死撫子姑
旋病毛割股救姑延壽數載知縣吳贈額愚孝格天

董澤久妻蔡氏其母阮氏病危蔡歸省割右股進翁良臣
病篤蔡又割左股進姑胡氏病急蔡再割右股和藥俱獲
痊

夏有珍妻陳氏厚坤女適夏逾年而珍病醫藥不效氏夜
焚香割股以求救珍隨愈生子後夫歿矢志苦守事翁姑

曲盡儀節翁病甚復割股以甦翁戚族咸稱其孝云
庠生彭山陰之女國學童元坦之妻文庠童金印之母彭
氏康熙甲戌生年十六時因母病割股救母知縣吳顧行
贈額曰閨孝維風

儒童喻威及妻徐氏事姑孝順姑病割股救之年八十一
歲卒

喻于義妻金氏事姑孝姑徐氏病劇金割股和藥以進獲
痊

生員王文思妻羅氏事姑孝姑病篤割股和藥遂痊

麻城縣志

卷二十九

列女
貞孝

五

王文爍妻董氏克盡婦道姑丁氏病篤董齋戒割股默禱
旋愈

劉士模妻周氏幼至劉家爲閑房姑早喪事翁如父婚配
後益盡婦道年二十六喪夫遺二子撫育後歉歲而抱重
病子德魯痛母焚香割股以進得延一載卒

吳國貴妻胡氏妾李氏名懿德胡氏病篤李氏割股救之
三日病愈延七年李氏割股後食長齋以終鄉鄰戚族送
懿孝流輝額以嘉之

儒童熊士材妻李氏百魁女年二十三完婚夫疾李割股

食之旋卒李終日悲泣未踰年亦卒

駱代興之女大女五歲喪父七歲喪母伯叔撫養成人伯父世與有疾百藥不效女念撫育重恩割股煎湯以祈病愈時女年十二後伯父年八十餘歲

汪士芝妻童氏生員金魁女夫病篤割股以進尋卒誓不欲生數月內怏怏而終

周代翰妻方氏割股救姑

周承章妻劉氏割股救姑

周之敦妻黃氏 周源妻趙氏割股救翁

麻城縣志

卷二十九

列女 貞孝

七

鮑如秀妻盧氏割股愈翁邑令趙聞之贈兩孝同堂額其姑曾割股故云

蔡慎恩妻鄒氏又長媳胡氏俱能孝事翁姑事詳孝友蔡慎恩傳 此上孝婦孝女

貞孝 新增表

城廂東鄉南鄉西鄉北鄉

貞女周光烈女

乾隆戊寅生年十五聞夫故遂時母家守貞以穿爆藥線度日苦守七十餘年里人皆呼為苦三爹道光己亥卒年近九旬出殯房

貞女鄭堯則女

乾隆甲辰生曾永茂聘室茂故女年十七歲聞訃至曾門守志道光丁酉卒守貞五十

羅廷試女三姑

康熙四十四年生夫婿早喪矢志不二乾隆二十六年卒守貞五十六年

劉名聘室何姑林之緒聘室楊姑

何振之女乾隆四十五年生十七歲夫故隨至夫家守貞數十年道光十六年卒五十

鄭勝龍聘室丁女

江垣聘室蕭女

范景芝聘室王姑朱茂南聘室羅姑

麻城縣志

卷二十九

列女 貞孝

七

內異香數日不散

貞女程前明女

幼受林聘林遠質未歸女在母家終身不字乾隆乙酉生道光庚戌卒年八十

蕭琛聘室曾女

嘉慶辛酉生年十六琛故女往蕭氏苦守咸豐己未

丁女必鰲女

乾隆壬子生嘉慶庚午聞夫病篤女欲往侍湯藥父母弗許女意決母遂同至龍家迫龍故女語母曰兒生是鄭氏人死乃鄭氏鬼母請歸母以女為念母厲聲曰不可強

董宏綸聘室張女

乾隆辛未生僮女年二十星童期將近聞夫病平誓不再字後在夫家撫從姪為嗣事翁姑以孝聞道光十年卒七十九歲守貞六十年

羅紹北女道

王士國女乾隆丁酉年生芳十三歲故女矢志適范守貞躬勤紡績事姑以孝聞道光丁未年卒

羅紹北女道

光甲申生少失恃養於夫家至壬寅年夫故女誓守不二奉事翁姑代修子職立夫姪為嗣

鄭瑜聘室熊女

女年十七瑜亡女聞訃亟尋自盡救甦赴弔泣血數日父母令女歸答曰此吾家也義不反奉養曲體親

卒守貞四
十三年

貞女羅掌珠

羅大明女法
名海賓嘉慶
己未生秉性
孝直因母病
不願婚配母
病篤割股三
次調藥癒母
得以壽終女
卒於同治
己巳年

龍合
葬

汪大聘室曾女

曾世良女嘉
慶戊午生元
久客不返女
矢志靡他道
光己酉卒守
貞三十一年

畢思陞聘室梁女

年二十二歲
未嫁夫病來
畢家省視夫
旋故女於夫
家立志守貞
七十二歲卒

董時聘室范姑

范有德女乾
隆甲戌生幼
為夫家養媳
夫歿於外女
依姑以紡績
度日姑卒喪
葬盡禮嘉慶
二十二年卒

嘉慶丙子卒
年四十九歲

守貞二
十九年

劉維禮聘室高姑

高懷玉女乾
隆壬午生十
五歲為劉養
媳夫遠賢不
返女事姑孝
謹道光己亥
卒年七十七
歲守貞六十
二年

心蓬首跣足
紡績暇更荷
鋤犁宛然男
子也翁姑繼
亡哀感鄉里
咸為助資七
十九歲卒守
貞六十二年

貞女劉伯達女

守貞不字同
治元年失怙

麻城縣志

侍依兄嫂度
日同治十二

卷二十九

列女
貞孝

六

徐琳聘室劉女

琳故女聞計
泣奔徐家誓

貞女趙本支女

年二

死不二撫夫
姪文坦為嗣
嘉慶二十三
年卒守貞四
十五年

李必輝聘室曾女

監生魯文墨
女婿年十九
忽得瘋疾踰
十年卒女再
三奔赴父母
力阻之許令

范景鑄聘室王女

在家完節誓
不另締至道
光三十年姑
年六十自出

壬寅卒
人道光
嘉慶戊申年
故女時十四
歲泣赴夫家

麻城縣志

卷二十九

列女

十九

紡績餘資囑諸弟置田一石為翁姑及夫祭祀費夫家以貞節可風頌其室旋無疾而卒

誓以死守道光戊申卒守貞六十年

魯鳳堂聘室鮑女

鳳麟聘室黃女

鳳堂病故姑聞訃矢志靡他後過門撫嗣以綿夫祀守貞十數年卒

黃萃川女嘉慶庚申年生庚午嫻養於周丁卯周子卒女年十七歲矢志守貞咸豐四年卒六十五歲

羅承啟聘室藥姑

周明聘室黃七姑

啟入川不返女誓不再字女卒夫兄承柱重其節迎葬女於羅姓墳側

嘉慶癸亥生明病故姑年

尹正容聘室梅姑

岡邑人容買外姑守貞五十餘年尹姓迎歸為撫一子承祀邑尊董應魁獎給節比柏舟額并銀若干兩

素同治癸亥卒年六十一歲守貞四十年

吳璽聘室曹女

胡四知聘室劉女

劉炳愈女道光壬午生壬寅寄養胡家癸卯四知故胡劉二家以女未婚議改

麻城縣志

卷二十九

列女

三

年十八聞夫病故遂奔喪誓不再字道光二十五年卒守貞六十四年

聘女決志不從甲辰繼四知遊

周之信聘室弄姑

尹作孕女聞夫故求姑母送至夫家誓以死守迨後夫弟並夫弟婦俱亡有遺孤子女三姑鞠育婚嫁視若已出以一姪續夫祀奉

劉繼珩聘室弄姑

李繩翼女道光己丑生幼為劉家養媳珩賢卒於外女年十八矢志事姑同治甲子卒守貞十八年

鄒興貴之女

幼許字陳姓十六歲失明

蔡學堅義華姑

養翁姑尤盡婦道年四十八歲沐浴更衣無疾而逝

不願累及夫婿潔貞自守道光庚子卒五十四歲守貞三十八年

胡必賢聘室周女

乾隆癸丑生咸豐庚申歲故終身不守貞六十八年

周炳夏長女名基坤賢遠質未歸基坤矢志貞守父母歿後有弟五人定婚完娶皆貞女身任其事年七十餘卒